

«ТАСДИҚЛАНГАН»

«Хонқа don maxsulotlari» акциядорлик
жамияти акциядорининг 2016 йил
30 декабрда бўлиши томонидан.



«Хонқа don maxsulotlari» акциядорлик жамияти

Кузатув кенгаши туғрисидаги

Н И З О М

(янги тахрирда)

I. УМУМИЙ ҲОЛАТЛАР

1. Ушбу Низом Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуни (кейинги уринларда - Қонун), бошқа Қонун ҳужжатлари асосида ишлаб чиқилган ва "Хонқа don mahsulotlari" акциядорлик жамияти Кузатув кенгаши (кейинги уринларда - Кузатув кенгаши)нинг мақоми, ваколат доираси ва фаолиятини ташкил этиш тартиби, унинг аъзоларини сайлаш (тайинлаш), шунингдек уларнинг ҳуқуқ ва мажбуриятларини белгиловчи меъёрлардан таркиб топган.

2. Кузатув кенгаши "Хонқа don mahsulotlari" акциядорлик жамиятси (кейинги уринларда - Жамият) фаолиятига умумий раҳбарликни амалга оширади, қонун ва жамият Устави билан акциядорларнинг умумий йиғилиши ваколат доирасига киритилган масалаларни ҳал этиш бундан мустасно.

3. Кузатув кенгаши Жамиятнинг бошқарув органи ҳисобланади.

4. Кузатув кенгаши Жамиятни бошқариш масалалари буйича акциядорларнинг умумий йиғилишига ҳисобдордир.

II. КУЗАТУВ КЕНГАШИНИНГ ВАКОЛАТ ДОИРАСИ

5. Кузатув кенгашининг ваколат доирасига қуйидагилар қиради:

- жамият фаолиятининг устувор йўналишларини белгилаш;
- акциядорларнинг йиллик ва навбатдан ташқари умумий йиғилишларини чақириш, қонунга мувофиқ тегишли ҳуқуққа эга шахслар томонидан акциядорларнинг навбатдан ташқари умумий йиғилишини чақириш тўғрисида қарор қабул қилиниши ҳоллари бундан мустасно;
- акциядорларнинг умумий йиғилиши кун тартибини тайёрлаш;
- акциядорларнинг умумий йиғилиши ўтказиладиган сана, вақт ва жойни белгилаш;
- акциядорларнинг умумий йиғилиши ўтказилиши ҳақида хабар қилиш учун жамият акциядорларининг реестрини шакллантириш санасини белгилаш;
- акциядорларнинг умумий йиғилишида иштирок этиш учун жамият акциядорларининг реестрини шакллантириш санасини белгилаш;
- жамият Уставига ўзгартириш ва қўшимчалар киритиш ёки жамиятнинг янги таҳрирдаги Уставини тасдиқлаш масалаларини акциядорларнинг умумий йиғилишида ҳал қилиши учун киритиш;
- мол-мулкнинг бозор қийматини белгилашни ташкил этиш;
- ижроия орган (Бошқарув)га туланадиган ҳақ ва компенсацияларнинг миқдорларини белгилаш;
- жамиятнинг йиллик бизнес-режасини тасдиқлаш. Бунда жамиятнинг келгуси йилга мулжалланган бизнес-режаси жамият кузатув кенгаши мажлисида жорий йилнинг 1 декабридан кечиктирмай тасдиқланиши лозим;
- ички аудит хизматини ташкил этиш, унинг ходимларини тайинлаш, шунингдек ҳар чорақда унинг ҳисоботларини эшитиб бориш;
- жамият Бошқарувининг фаолиятига дахлдор ҳар қандай ҳужжатлардан эркин фойдаланиш ва жамият Кузатув кенгаши зиммасига юклатилган вазифаларни бажариш учун бу ҳужжатларни Бошқарувдан олиш. Жамият Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- аудиторлик текширувини ўтказиш тўғрисида, аудиторлик ташкилотини ва унинг хизматларига туланадиган ҳақнинг энг кўп миқдорини белгилаш ҳақида қарор қабул қилиш;
- жамиятнинг тафтиш комиссияси аъзоларига туланадиган ҳақ ва компенсацияларнинг миқдори юзасидан тавсиялар бериш;
- дивиденд миқдори, уни тулаш шакли ва тартиби юзасидан тавсиялар бериш;
- жамиятнинг заҳира фондидан ва бошқа фондларидан фойдаланиш;
- жамиятнинг филиалларини ташкил этиш ва ваколатхоналарини очиш;

- жамиятнинг шуъба ва тобе хужалик жамиятларини ташкил этиш;
 - баланс киймати ёки олиш киймати битим тузиш туғрисида қарор қабул қилинаётган санада жамият соф активлари миқдорининг ун беш фоизидан эллик фоизигачасини ташкил этувчи мол-мулк хусусида йирик битим тузиш туғрисида қарор қабул қилиш. қузатув кенгашининг яқдиллигига эришилмаган ҳоллар бундан мустасно;
 - аффилланган шахслар иштирокида тузилаётган битимни маъқуллаш туғрисида қарор қабул қилиш, жамият Қузатув кенгашининг икки ва ундан ортиқ аъзоси тузилаётган битим буйича аффилланган шахс бўлиши ҳоллари бундан мустасно;
 - жамиятнинг тижорат ва нотижорат ташкилотлардаги иштироки билан боғлиқ битимларни Қонун ҳужжатларида белгиланган тартибда тузиш;
 - қонун ҳужжатларида белгиланган тартибда жамият устав фондиди қупайтириш туғрисидаги ва жамият Уставига устав фондиди қупайтириш билан боғлиқ узгартиришларни киритиш ҳақидаги қарорлар қабул қилиш;
 - қонун ҳужжатларида белгиланган тартибда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
 - жамият томонидан корпоратив облигациялар, шу жумладан акцияларга айирбошланадиган облигациялар чиқариш туғрисида қарор қабул қилиш;
 - жамиятнинг корпоратив облигацияларини қайтариб сотиб олиш туғрисида қарор қабул қилиш;
 - қимматли қоғозларнинг ҳосилаларини чиқариш туғрисида қарор қабул қилиш;
 - қимматли қоғозлар чиқарилиши туғрисида қарор ва эмиссия рисоласини тасдиқлаш;
 - қимматли қоғозлар чиқарилиши туғрисида қарор ва эмиссия рисоласига узгартириш ва (ёки) қўшимчалар киритиш туғрисида қарор қабул қилиш ва қимматли қоғозлар чиқарилиши туғрисида қарор ва эмиссия рисоласига узгартириш ва (ёки) қўшимчалар матнини тасдиқлаш.
6. Қузатув кенгашининг ваколатига Қонун ҳужжатларига мувофиқ бошқа масалаларни ҳал этиш ҳам киритилиши мумкин.
7. Қузатув кенгаши жамиятнинг йиллик ҳисоботини акциядорларнинг йиллик умумий йиғилиши ўтказиладиган санадан камида ун кундан кечиктирмай дастлабки тарзда тасдиқлаши лозим.
8. Қузатув кенгаши жамият Уставига мувофиқ Бошқарув раиси ва бошқарув аъзолари билан тузилган шартномани, агар улар жамият Уставини қупол тарзда бузса ёки уларнинг ҳаракатлари (ҳаракатсизлиги) туфайли жамиятга зарар етказилган бўлса, муддатидан илгари тугатиш (бекор қилиш) ҳуқуқига эга.
9. Жамият Қузатув кенгашининг ваколат доирасига киритилган масалалар ҳал қилиш учун жамият Бошқарувига ўтказилиши мумкин эмас.

III. ҚУЗАТУВ КЕНГАШИ АЪЗОЛАРИНИ САЙЛАШ (ТАЙИНЛАШ)

10. Жамият Қузатув кенгашининг аъзолари Қонунда ва жамият Уставида назарда тутилган тартибда акциядорларнинг умумий йиғилиши томонидан бир йил муддатга сайланади.
11. Қузатув кенгашининг сон таркиби жамият Устави билан белгиланади ва 7 (етти) кишидан таркиб топади.
12. Қузатув кенгаши таркибига сайланган шахслар чекланмаган тарзда қайта сайланиши мумкин.
13. Жамият Бошқаруви аъзолари жамиятнинг Қузатув кенгашига сайланиши мумкин эмас.
14. Айни шу жамиятда меҳнат шартномаси (контракт) буйича ишлаётган шахслар жамиятнинг Қузатув кенгаши аъзоси бўлиши мумкин эмас.

15. Кузатув кенгаши таркибига қоидага биноан жамият акциядорлари (акциядорлар - жисмоний шахслар ва акциядорлар - юридик шахсларнинг ваколатли мансабдор шахслари) сайланади.

16. Жамиятнинг Кузатув кенгаши таркибига Қонунда назарда тутилган тартибда жамият акциядорлари ҳисобланмайдиган шахслар ҳам сайланиши мумкин. Кузатув кенгаши аъзоларини сайлашда:

- етарли даражада иктисодий билимларга;
- раҳбарлик ишида ишлаш амалиётига;
- жамият фаолияти йўналиши бўйича иш тажрибасига;
- корпоратив бошқарув ҳамда қимматли қоғозлар бозори соҳасида қўшимча маълумотга эга шахсларга устунлик берилади.

17. Жамиятнинг Кузатув кенгаши аъзолари сайлови кумулятив овоз бериш орқали амалга оширилади.

18. Кумулятив овоз беришда ҳар бир акциядорга тегишли овозлар сони жамиятнинг Кузатув кенгашига сайланиши лозим бўлган шахслар сонига қупайтирилади ва акциядор шу тарих олинган овозларни битта номзодга тулик беришга, ёки икки ва ундан ортиқ номзодлар ўртасида тақсимлашга ҳақли.

19. Энг қўп овоз тўплаган номзодлар жамият Кузатув кенгашининг таркибига сайланган деб ҳисобланади.

20. Кузатув кенгаши аъзосининг ваколатларини муддатидан илгари тугатиш акциядорларнинг умумий йиғилиши қарори билан амалга оширилади.

21. Кузатув кенгаши аъзолари жамиятнинг аффилиланган шахслари деб эътироф этилади.

IV. КУЗАТУВ КЕНГАШИНING РАИСИ

22. Жамият Кузатув кенгашининг раиси Кузатув кенгаши аъзоларининг умумий сонига нисбатан қўпчилик овоз билан, ушбу Кенгаш таркибидан Кузатув кенгаши аъзолари томонидан сайланади.

23. Жамиятнинг Кузатув кенгаши ўз раисини Кузатув кенгаши аъзоларининг умумий сонига нисбатан қўпчилик овоз билан қайта сайлашга ҳақли.

24. Жамият Кузатув кенгашининг раиси унинг ишини ташкил этади, Кузатув кенгаши мажлисларини чақиради ва уларда раислик қилади, мажлисларда баённома юритилишини ташкил этади, акциядорларнинг умумий йиғилишида раислик қилади.

25. Жамият Кузатув кенгашининг раиси Кузатув кенгаши аъзолари ўртасида вазифаларни тақсимлайди.

26. Жамият номидан Бошқарув раиси билан меҳнат шартномаси, шунингдек Бошқарув аъзолари билан меҳнат шартномалари жамият Кузатув кенгашининг раиси, ёки Кузатув кенгаши қарори билан ваколат берилган шахс томонидан имзоланади.

27. Жамият Кузатув кенгашининг раиси бўлмаган тақдирда унинг вазифасини Кузатув кенгашининг аъзоларидан бири амалга оширади.

V. КУЗАТУВ КЕНГАШИНING МАЖЛИСЛАРИ ВА ҚАРОПЛАР ҚАБУЛ ҚИЛИШ ТАРТИБИ

28. Жамият кузатув кенгашининг мажлисини чақириш ва ўтказиш тартиби жамият уставида ва ушбу низомда белгилаб қўйилади.

29. Жамият кузатув кенгашининг мажлиси кузатув кенгашининг раиси томонидан унинг ўз ташаббусига қўра, жамият кузатув кенгаши аъзоси, тафтиш комиссияси аъзоси,

жамият бошқаруви раиси ва аъзоларининг талабига кура чакирилади.

30. Жамият кузатув кенгашининг мажлислари очик тартибда утказилади.

31. Жамият Кузатув кенгашининг мажлислари сиртдан овоз бериш йули билан (суров йули билан) утказилиши мумкин. Бунда Жамият Кузатув кенгашининг қарорлари барча аъзолар томонидан бир овоздан қабул қилинади.

32. Жамият Кузатув кенгашининг мажлислари ҳар чорақда камида бир марта утказилади.

33. Жамият Кузатув кенгашининг мажлисини утказиш учун кворум жамият Уставига мувофиқ жамият Кузатув кенгашига сайланган аъзолар сонининг камида етмиш беш фоизини ташкил этади.

34. Жамият Кузатув кенгаши аъзоларининг сони жамият Уставида назарда тутилган миқдорнинг етмиш беш фоиздан кам булган тақдирда, жамият Кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чакириши шарт. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чакириш туғрисида қарор қабул қилишга, шунингдек жамият Бошқаруви раисининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

35. Жамият Кузатув кенгашининг мажлисида қарорлар, агар Қонунда, жамият Уставида ва ушбу Низомда узгача қоида назарда тутилмаган булса, мажлисида ҳозир булганларнинг кўпчилик овози билан қабул қилинади. Жамият Кузатув кенгашининг мажлисида масалалар ҳал этилаётганда Кузатув кенгашининг ҳар бир аъзоси битта овозга эга булади.

36. Қуйидаги масалалар буйича қарорлар мажлисида иштирок этаётган жамият Кузатув кенгашининг аъзолари томонидан бир овоздан қабул қилинади:

- жамиятнинг устав фондини акцияларнинг номинал қийматини ошириш йули билан кўпайтириш ва Жамият Уставига тегишли узгартиришлар киритиш;
- жамиятнинг устав фондини қўшимча акцияларни жойлаштириш йули билан кўпайтириш;
- жамиятнинг йирик битим тузиши туғрисидаги қарор;
- аффилиланган шахс билан битим тузишни маъқуллаш туғрисидаги қарор;
- жамият томонидан акцияларга айирбошланадиган корпоратив облигациялар чиқариш туғрисида қарор қабул қилиш;
- сиртдан овоз бериш йули билан (суров йули билан) қарор қабул қилинган ҳолларда.

37. Жамият Кузатув кенгашининг бир аъзоси ўз овозини Кузатув кенгашининг бошқа аъзосига беришига йул қўйилмайди.

38. Жамият Уставига мувофиқ жамият Кузатув кенгаши раиси жамият Кузатув кенгаши аъзоларининг овозлари тенг булган тақдирда Кузатув кенгаши томонидан қарор қабул қилишда ҳал қилувчи овоз ҳуқуқига эгадир.

39. Жамият Кузатув кенгашининг мажлисида баённома юритилади. Кузатув кенгаши мажлисининг баённомаси мажлис утказилганидан сўнг ўн кундан кечиктирмай икки нусхада тузилади.

40. Мажлис баённомасида қуйидагилар курсатилади:

- мажлис утказилган сана, вақт ва жой;
- мажлисида ҳозир булган шахслар;
- мажлиснинг кун тартиби;
- овоз беришга қўйилган масалалар, улар юзасидан утказилган овоз бериш яқунлари;
- қабул қилинган қарорлар.

41. Жамият Кузатув кенгаши мажлисининг баённомаси мажлисда иштирок этаётган жамият Кузатув кенгаши аъзолари томонидан имзоланади, улар мажлис баённомаси туғри расмийлаштирилиши учун жавобгар бўлади.

42. Жамият Кузатув кенгаши мажлисининг баённомаси имзоланган куни Жамият Бошқарувига ижро этиш учун топширилади. Кузатув кенгаши акциядорларнинг умумий йиғилишини чақириш туғрисида қарор қабул қилган тақдирда мазкур қарор ҳақидаги ахборот жамият Бошқарувига Кузатув кенгашининг мажлиси утказиладиган куни топширилади.

43. Баланс қиймати ёки олиш қиймати битим тузиш туғрисида қарор қабул қилинаётган санада жамият соф активлари миқдорининг ун беш фоизидан эллик фоизигачасини ташкил этувчи мол-мулк хусусида йирик битим тузиш туғрисидаги қарор жамият кузатув кенгашининг аъзолари томонидан бир овоздан қабул қилинади, бунда кузатув кенгашидан чиқиб кетган аъзоларнинг овози инобатга олинмайди.

44. Йирик битим тузиш масаласи буйича жамият кузатув кенгашининг яқдиллигига эришилмаган тақдирда йирик битим тузиш туғрисидаги масала кузатув кенгашининг қарорига кура акциядорларнинг умумий йиғилиши ҳал қилиши учун олиб чиқилиши мумкин.

45. Жамият кузатув кенгаши жамият бошқарувидан аффилиланган шахс билан тузилиши кутилаётган битимни урганиш натижалари баённомаси келиб тушган тақдирда аффилиланган шахснинг ёзма билдириши жамиятга келиб тушган санадан эътиборан ун беш кундан кечиктирмай битим буйича қарор қабул қилиши зарур. Аффилиланган шахс билан тузилаётган битимни маъқуллаш туғрисидаги қарор мажлисда иштирок этаётган жамият кузатув кенгашининг аъзолари томонидан бир овоздан қабул қилинади, кузатув кенгаши мазкур битим юзасидан қарор қабул қилаётганда муҳокамада иштирок этиш ва овоз бериш ҳуқуқига эга бўлмаган аффилиланган шахс ҳисобланган кузатув кенгаши аъзолари бундан мустасно.

VI. КУЗАТУВ КЕНГАШИ АЪЗОЛАРИНИНГ ҲУҚУҚ ВА МАЖБУРИЯТЛАРИ

46. Кузатув кенгашининг аъзолари қуйидаги ҳуқуқларга эга:

- кузатув кенгашининг мажлисларида шахсан иштирок этиш, мажлисда муҳокама этилаётган масала буйича регламентга кура ажратилган вақт доирасида сузга чиқиш;
- жамият Бошқарувининг фаолиятига даҳлдор ҳар қандай ҳужжатлардан эркин фойдаланиш ва жамият Кузатув кенгаши зиммасига юклатилган вазифаларни бажариш учун бу ҳужжатларни Бошқарувдан олиш. Жамият Кузатув кенгаши ва унинг аъзолари олинган ҳужжатлардан фақат хизмат мақсадларида фойдаланиши мумкин;
- жамият Кузатув кенгаши мажлисини чақиришни талаб қилиш;
- акциядорларнинг навбатдан ташқари умумий йиғилишларини чақиришни талаб қилиш;
- жамиятнинг молия-ҳужалик фаолиятини текширишни талаб қилиш;
- кузатув кенгаши томонидан дивиденд миқдори, уни тулаш шакли ва тартиби юзасидан, шунингдек жамиятнинг тафтиш комиссияси аъзоларига туланадиган ҳақ ва компенсацияларнинг миқдорлари юзасидан акциядорларнинг умумий йиғилишига тавсиялар тайёрлашда таклифлар киритиш;
- жамият фаолиятининг устувор йуналишларини белгилаш, жамият фаолиятини такомиллаштириш, жамият Уставига узгартириш ва (ёки) қушимчалар киритиш, жамиятнинг ички меъёрий ҳужжатларини ишлаб чиқиш буйича таклифлар киритиш;
- кузатув кенгаши аъзоси вазифасини бажарган даври учун ҳақ олиш;
- бошқа ҳуқуқлар.

47. Кузатув кенгаши аъзолари куйидаги мажбуриятларга эга:

- уз мажбуриятларини уз вақтида ва ҳалол бажариш;
- ҳар чоракда жамият Бошқарувининг жамиятнинг йиллик бизнес-режаси бажарилишининг бориши туғрисидаги ҳисоботини эшитиш;
- ҳар чоракда ички аудит хизматининг (агар у мавжуд бўлса) ҳисоботини эшитиш;
- ҳар чоракда жамият тафтиш комиссиясининг жамиятнинг аффилиланган шахслари билан тузилган битимлар ёки йирик битимлар мавжудлиги туғрисидаги хулосасини куриб чиқиш;
- бошқа мажбуриятлар.

48. Кузатув кенгаши аъзоси аффилиланган шахс ҳисобланган тақдирда, у жамият билан битим тузишда аффилиланган эканлиги туғрисида тузилиши кутилаётган битим ҳақидаги маълумотларни, шу жумладан битимда иштирок этаётган шахслар, битим предмети туғрисидаги маълумотларни, тегишли шартноманинг муҳим шартларини батафсил курсатган ҳолда, ёзма билдириш юбориш орқали жамиятни хабардор этиши шарт.

49. Жамиятнинг аффилиланган шахси ҳисобланадиган Кузатув кенгашининг аъзоси жамиятнинг кузатув кенгаши мазкур битим юзасидан қарор қабул қилаётганда муҳокамада иштирок этишга ҳақли эмас ва овоз бериш ҳуқуқига эга.

50. Жамиятнинг кузатув кенгаши қонунда белгиланган тартибда аффилиланган шахс билан келгусида жамият томонидан кундалик ҳужалик фаолияти жараёнида акциядорларнинг кейинги йиллик умумий йиғилишигача бўлган даврда тузилиши мумкин бўлган битимни (битимларни) маъқуллаш ҳақида қарор қабул қилишга ҳақли.

51. Кузатув кенгаши аъзолари шахсий манфаатлари учун кузатув кенгашининг у ёки бу қарорларни қабул қилишига бевосита ёки билвосита таъсир кўрсатиш ҳуқуқига эга эмас.

52. Кузатув кенгаши аъзолари жамиятнинг имкониятлари (мулкӣ ёки номулкий ҳуқуқлар, ҳужалик фаолияти соҳасидаги имкониятлар, жамиятнинг фаолияти ва режалари туғрисидаги ахборот)дан шахсий бойлик орттириш мақсадида фойдаланиш ҳуқуқига эга эмас.

53. Кузатув кенгаши аъзолари уз мансаб вазифаларини ҳалол, шунингдек жамият манфаатлари учун улар энг яхши деб ҳисоблайдиган усул билан амалга ошириши шарт.

VII. КУЗАТУВ КЕНГАШИ АЪЗОЛАРИГА ҲАҚ ВА ЙИЛЛИК МУКОФОТ ТЎЛАШ ТАРТИБИ

54. Кузатув кенгаши аъзолари ва котиби кузатув кенгаши аъзолари ва котибининг вазифаларини бажариб турган давр учун ҳар ойда катъий белгиланган миқдорда ҳақ (рағбатлантириш) ҳамда жамиятнинг молиявий-ҳужалик йили самарали яқунлангани учун йиллик мукофот пули олиш ҳуқуқига эга.

55. Кузатув кенгаши аъзолари ва унинг котибига тўланадиган ҳар ойлик ҳақ (рағбатлантириш)нинг миқдори жамият йиллик бизнес-режасининг смета-ҳаражат қисмида назарда тутилади ҳамда Кузатув кенгаши йиғилиши томонидан тасдиқланади.

Кузатув кенгаши аъзоларига тўланадиган ҳар ойлик ҳақ (рағбатлантириш) миқдори улар ўртасида куйидагича тақсимланади:

- Кузатув кенгаши раисига - ҳар ойда, республикада белгиланган энг кам иш ҳақининг 10 (ўн) баравари миқдорида;
- Кузатув кенгаши аъзоларининг ҳар бирига - ҳар ойда, республикада белгиланган энг кам иш ҳақининг 8 (саққиз) баравари миқдорида;
- Кузатув кенгаши котибига - ҳар ойда, республикада белгиланган энг кам иш ҳақининг 4 (турт) баравари миқдорида.

56. Кузатув кенгаши аъзоларига тўланадиган ҳар ойлик ҳақ (рағбатлантириш)нинг миқдори акциядорлар умумий йиғилишининг қарори асосида мазкур "Низом"га ўзгартириш киритиш орқали ўзгартирилиши мумкин.

57. Кузатув кенгаши аъзоларига туладиган ҳар ойлик ҳақ (рағбатлантириш) мазкур "Низом" акциядорлар умумий йиғилиши қарори асосида тасдиқланганидан кейинги ойнинг 1 санасидан бошлаб туланади.

58. Мукофот пули Кузатув кенгаши аъзоларига бир йилда бир марта жамиятнинг молиявий-хужалик фаолияти якунлари буйича жамият томонидан "Бизнес режа"да белгиланганидан ортиқча соф фойда олинганлиги учун берилади.

59. Кузатув кенгашига туладиган мукофот пули жамиятнинг йиллик "Бизнес-режаси"да белгиланганидан ортиқча олган соф фойдасининг 10 фоизи миқдорида белгиланади ва у кузатув кенгаши раиси ва аъзоари уртасида қуйидагича тақсимланади:

. - Кузатув кенгаши раисига - Жамиятнинг йиллик "Бизнес-режаси"да белгиланганидан ортиқча олган соф фойдасининг 2,0 фоизи миқдорида;

- Кузатув кенгаши аъзоси ҳар бирига - Жамиятнинг йиллик "Бизнес- режаси"да белгиланганидан ортиқча олган соф фойдасининг 1,25 фоиздан миқдорида;

- Кузатув кенгаши котибига - жамиятнинг йиллик "Бизнес-режаси"да белгиланганидан ортиқча олган соф фойдасининг 0,50 фоизи миқдорида.

60. Мукофот пуллари суммаси акциядорларнинг йиллик умумий йиғилиши қарори билан соф фойдани тақсимлаш масаласини кўриб чиқишда тасдиқланади.

Акциядорларнинг йиллик умумий йиғилиши ўз қарорини қабул қилишда заруриятга қараб жамиятнинг молиявий имкониятларидан келиб чиққан ҳолда, кузатув кенгаши аъзоларига ва котибига туладиган мукофот пули миқдори ва тақсимотини ушбу "Низом"нинг 59-бандида белгиланган курсаткичларга нисбатан ўзгартириши мумкин.

VIII. КУЗАТУВ КЕНГАШИ АЪЗОЛАРИНИНГ ЖАВОБГАРЛИГИ

61. Кузатув кенгаши аъзолари ўз ҳуқуқларини амалга оширишда ва мажбуриятларини бажаришда жамият манфаатларини кўзлаб иш тутишлари зарур.

62. Кузатув кенгаши аъзолари қонун ҳужжатларига ва жамият Уставига мувофиқ жамият олдида жавобгар бўлади. Агар бир нечта шахс жавобгар бўлса, уларнинг жамият олдидаги жавобгарлиги солидар жавобгарлик бўлади. Бунда жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган жамият кузатув кенгаши аъзолари жавобгар бўлмайди.

63. Жамият, ёки у жойлаштирган акцияларнинг ҳаммаси бўлиб камида бир фоизига эгалик қилувчи акциядор (акциядорлар) жамиятга етказилган зарарларнинг урнини қоплаш туғрисидаги даъво билан жамият кузатув кенгаши аъзоси устидан судга мурожаат қилишга ҳақли.

64. Жамиятга зарар етказган кузатув кенгаши аъзоси қонун ҳужжатларида белгиланган тартибда уни қоплайди.

IX. ЯКУНИЙ ҚОИДАЛАР

65. Ушбу Низом акциядорларнинг умумий йиғилиши томонидан тасдиқлангандан кейин кучга киради.

66. Ушбу Низомга амалдаги қонун ҳужжатлари ўзгартирилганлиги ва жамият Уставига ўзгартириш ва (ёки) қўшимчалар киритилганлиги муносабати билан ўзгартириш ва (ёки) қўшимчалар киритилиши мумкин.

67. Ушбу Низомга киритилган ўзгартириш ва (ёки) қўшимчалар акциядорларнинг умумий йиғилиши томонидан тасдиқлангандан кейин кучга киради.